

**3rd CHUUK STATE CONSTITUTIONAL CONVENTION
Weno, Chuuk State
Federated States of Micronesia 96942**

Journal of the Constitutional Convention

52nd Day Tuesday August 17, 2004 2:00 p.m

CALL TO ORDER

President Noket: A suk mwich, iei fansoun iotek, emon me emon.

SILENT PRAYER

President Noket: Secretary, kopwe koko it.

ROLL CALL

Secretary, a kokori iten emon me emon Delegates, Mr. President, ukukun Delegates ir mi polueni iter 10, 4 rese nom, mi quorum.

President Noket: Kinisou chapur Secretary, Floor Leader Harper.

ADOPTION OF JOURNAL

Floor Leader Harper: Mr. President, ua fori motion pwe mwichenap epwe adoptni nouch Journal for August 10, 11, 12, & 13, 2004 an esap pual alea. Second.

President Noket: A mokut a puan second pwe convention a etywa Journalun ewe August 10, 11, 12, & 13, 2004 an esap puan anea, chon tipeew ngeni apasa U, chon rese tipeew ngeni apasa Apw. A passed pwe mwich epwe etywa Journal-un lon ewe August 10, 11, 12, & 13, 2004. A ketiw. Floor Leader Harper.

Floor Leader Harper: Mr. President ngang uwa tungor pwe sipwe mwo satiw won ena item 12, me lon nouchna Order of Business. Second.

**INTRODUCTION AND REFERRAL OF DELEGATE PROPOSALS AND
RESOLUTIONS**

President Noket: A mokut a puan second pwe mwich epwe mwo satiw won item 12, won nouch na Order of Business. Chon tipeew ngeni apasa U, chon rese tipeew ngeni apasa Apw. Sa sa ngeni item 12. Floor Leader Harper.

Floor Leader Harper: Secretary angei ewe Resolution kopwe nampani, pwe sipwe silei ifan lampan. Mr. President uwa pual tungor sipwe mwo niwiniti item 11, me won nouch na Order of Business, Consideration of Resolutions. Second.

CONSIDERATION OF RESOLUTION

President Noket: A mokut a puan second pwe convention epwe mwo niwita won item 11, me won nouch na Order of Business, ren consideration of resolution, chon tipeew ngeni apasa U, chon rese tipeew ngeni apasa Apw. Sia etta won iten 11, lon

nouch na Order of Business. Mr. Secretary, kopwe anisi ngenikich ika metena porausen ena Resolution.

Secretary: Mr. President, Delegate Resolution No. 3-20; to amend rule 2 of chapter 1 of the Rules of Procedure of the Third Chuuk State Constitutional Convention, by requiring the presence of eight (8) Delegates to constitute a quorum.

President Noket: Iwe mi wor poraus won ei resolution, mi wor an emon commend ika met e mochen apasa. Floor Leader Harper.

Floor Leader Harper: Kinisou chapur Mr. President, nge u mochen aisini Secretary ika ifan nampan ei Resolution.

Secretary: Resolution No. 3-20.

Floor Leader Harper: Iwe kinisou, pokiten kich meinisin sia weweiti me tipeew fengen won ei mettoch ina pwata uwa tungor nge upwele fori motion pwe convention a etywa ei resolution. Second.

President Noket: A mokut a puan second pwe convention a etywa ei resolution. Chon tipeew ngeni apasa U, chon rese tipeew ngeni apasa Apw. A passed ei resolution unanimously passed. Iwe sipwe mwo asoso.

Mwich a asoso, mwich a puan niwinsefan.

President Noket: Floor Leader Harper,

Floor Leader Harper: Mr. President are usap mwal upwe le tungor pwe mwich epwele mwo puan niwiniti item 6, won nouch na Order of Business. Second.

President Noket: A mokut a puan second pwe mwich epwene niwiniti item 6, me won nouch na Order of Business. Chon tipeew ngeni apasa U, chon rese tipeew ngeni apasa Apw. Sa etta won item 6, me won nouch na Order of Business. Iwe pokiten lon ewe Friday the 13th, ita ururun nge ewe Chairman ren COW epwe give an report, nge pokiten ekkoch wewe ese chiwen tawe ngeni, iwe epwene iei fansoun oral report seni ewe Chairman of the COW.

UNFINISHED BUSINESS - PLENARY

Charman Nifon: Kinisiou chapur Mr. President, upwe mwo kan tungor pwe ewe rule e require-ni written report epwe mwo puan suspended ikenai. Second.

President Noket: A mokut a puan second pwe ewe rule e require-ni written report epwe suspended, chon tipeew ngeni pwe epwe suspend ewe rule apasa U, chon rese tipeew ngeni apasa Apw. A pass, ewe rule a suspended. Sopweno Chairman Nifon.

ORAL REPORT FROM CHAIRMAN, COMMITTEE OF THE WHOLE

Chairman Nifon: Kinisou chapur, iwe non ewe Friday, convention a angang won ekkewe proposal a poputa won CP No. 3-07; CD3, mi chommong ekkewe poraus a tota meren emon me emon delegate. Mi wor porausen tipeew ngeni, puan poraus ren fan iten rese tipeew, mi wor chommong tipemwaramwar ren ika pwe epwe iwe usun inetin ewe moni, nge epwe fakkun pekingaw ngeni ekkewe kukun fonu, ika ekkewe fonu mi chokukun aramasan. Nge epwe ne och ngeni chok ekkei fonu mi watte are chommong aramasan. Delegate ra fakkun apasa ar wewechuti ei proposal nge resamwo chu won met repwe filata fan iten ei proposal. CP No. 3-21; Ei proposal eu me lein ekkewe proposal COW a angang won nge chon nemwich meinisin ra fakkun apasata ar tipeew ngeni. Ar mochen repwe ngeni Etten an we pungun uta won muun. Iwe usun met mi tota meren Floor, pwe ii won unikapan a fakkun tipeew ngeni ei proposal pokiten chommong pwin punuwan we ir chon ei fonu Etten. Iei eu me nein ekkewe popun ii afakkun mochen ei proposal epwe pass. Chon ne mwich meinisin ra fakkun ekieki nge repwe ne uwer ngeni Etten an ei tungor. CP No. 3-22; Ei proposal a awora an mochen epwe ne kemaar ewe fansoun utut fan March, nge epwe kemar ngeni July, ren ekkoch poupn mi tota meren chommong Delegate. Ekkoch me neir mi fakkun auchea. Ika pwe e wor utut fan July, epwe atawei ewe osukosuk nefilen National me State lon fansoun utut. Fan chommong aramas ra kan no repwe utut ren Natinal nge nupwen ese chok nom iter, iwe ra discourage ar repwe pual no ngeni State Election office, pwe ra ekieki nge esap puan nom iter. Mi pual tolong osukosuken utut me won ekkwan fanu nukun Chuuk, ren Honolulu, me Oregon. Pun eu osukosuken ei maram March, pwe e sereni fansoun ngawen asewal. Nge ewe fonu Nama, a men ngaw ewe sarata. Emon echok tumunungaw iwe a kokotiw fan piru. Nge ren July, e sereni summer, a puan fansoun nuwa. Iwe mi pual wor kapasen ren new FY ngeni ekkewe new nouwis ra tonong. Repwe angei ar pwon nge ra tongeni tonong poputani ar angang lon ewe new FY, iwe esap wor osukosuken moni. Pun usun met mi fis ikenai, awewe ren Legislature, nupwen ekkewe minafon nowis re tonong nge ese chiwen wor ar allowance pwe ekkewe ra touu ra fen wipeout-ni. Puan eu reason ren kemar seni March ngeni July, fan iten ekkewe potential people, epwe wor ar chance ne sa ngeni ekkewe wis lon State, pual ngeni ekkewe wis lon National. CP No. 3-23; ei proposal a chok kawor fan iten epwe ngeni ekkewe Municipalities meinisin akaewin ekkewe ese wor ar chance to submit their traditional names. Iwe iei popun a for ei proposal pwe epwe atawei ekkewe nusun municipalities. Iwe epwe 1 month afater ratification of these amendments ngeni ei Chuuk State Constitution, iwe repwe epwe requireni meinisin municipalities repwe submit iter ika ir mi mochen epwe siwil iter ika mi fen or met re mochen epwe pacheta. CP No. 3-25; ei proposal e kapas usun ekkewe sakopaten nousis lon Chuuk esap wor ar foforingaw. Esap wor emon epwe tongeni angang ngeni ach ei Government ika pwe mi wor an record. CP No. 3-26; ei a kawor ren an epwe awora eu commission fan iten ach en Police force. Ei commission epwe wisen chon checki me nenengeni ach ei Police force pwe a fakkun chommong osukosuk ika feiengaw nge fen seni police. Iwe epwe iei wewen me popun ei Police commission epwe forita. CP No. 3-27, ei fan iten ewe unicameral ren an Legislature epwe chok eu imw, nge ren chochon mi wor ekkewe puan katonong. Ren ukukun epwe 28, nge mi wor ewe epwene Regional, and ekkewe Senatorial region epwe ne wiliti Election District. CP No. 3-29; ei fan iten ewe Education epwe ne unanimous, a wor

chommong kapas fan iten ei proposal, a wor ewe amendment epwe touu ewe board repwe fini 3 top candidate, nge ra ngeni Governor epwe fini ewe emon epwe etiw ren Legislature ren confirmation. Iwe met ei proposal a kapasan ewe fil seni board esap chiwen no ngeni Governor nge epwe ne chok seni board ngeni Legislature ren confirmation. Nge mi fen pual wor ewe kapasa ren pwe mettoch meinisin epwene chok nom ren ewe board. Iwe iei ukun ai chechemeni ika tongeni ren ai report, iwe as a chairman of the COW, uwa fori motion pwe convention epwene etiwa ei oral report. Second.

President Noket: A mokut a puan second pwe convention a etiwa ewe oral report seni ewe COW chairman, ren Chairman Nifon, chon tipeew ngeni apasa U, chon rese tipeew apasa Apw. A pass, appluse. Kinisou chapur ren ewe job well done. Sipwe mwo asoso.

Mwich a asoso, a puan niwinsefan.

President Noket: Epwene iei fansoun poraus won ekkewe proposal, iwe sipwe chechemeni pwe murin ach poraus won iwe sipwe tungor pwe sipwe nengeniochu ekkei mettoch. Iwe epwenei iei fansoun. Floor Leader Harper.

Floor Leader Harper: Kilisou Mr. President, uwa fori motion pwe mwichenap a etiwa CP No. 3-07; CD3 lon aruen alea. Second.

President Noket: A mokut a puan second pwe convention a etiwa CP No. 3-07, CD3, non aruen anea. Chon tipeew ngeni apasa U, chon rese tipeew ngeni apasa Apw. A pass ewe motion. Sopotopono poraus won. Sipwe mwo asoso.

Mwich a asoso, mwich a puan popusefanita.

President Noket: Floor Leader Harper.

Floor Leader Harper: Sia fakkun weweiti ei proposal, nge pokiten mi chommong metekan sipwe mwo puan nenengeniochu iwe iei popun sipwe ne mwo puan ukutiw ne poraus won ei proposal, sipwap niwiniti. Second.

President Noket: A mokut a puan second pwe a ukutiw poraus won ei proposal, chon tipeew ngeni apasa U, chon rese tipeew ngeni apasa Apw. Sia mow etiw won en CP No. 3-21; Secretary, kopwe aleani ena proposal.

Secretary: Mr. President, Committee Proposal No. 3-21; to amend Section 2, Article XIII of the Chuuk State Constitution relating to the establishment, mandate and recognition of Etten as one municipality within the Southern Namoneas Regon.

President Noket: Floor Leader Harper.

Floor Leader Harper: Mr. President, uwa fori motion pwe convention a etiwa ei

proposal No. 3-21; Ion Aruen Alea. Second.

President Noket: A mokut a puan second pwe convention a etiwa ei proposal No. 3-21; Ion aruen anea. Chon tipeew ngeni apasa U, chon rese tipeew ngeni apasa Apw. Sopo pono poraus. Chairman Sitan.

Chairman Sitan: Kilisou chapur Mr. President, ngang ua mochen upwe chok apasa och fan iten ei proposal. Pokiten ai we colleague seni Mochulok, Floor leader Harper a fakkun tipeew ngeni ei proposal iwe ina popun ngang uwa puan fakkun mochen upwe tipeew ngeni ei proposal.

President Noket: Delegate Williander.

Delegate Williander: Mr. President, ai nuku kich mi sinei nonomun ei fonu Etten, usun a fen pual wor discussion won, ngang upwe pual pesei ngeni delegate meinsin mi present ikkenai ika rese mochen repewe ettiwa ewe tingor a etto me ren aramasen Etten. Mei submit ngeni ach ei Convention, iei popun upwe tingor sipwe enenia, sipwe passini pual anongonong won an Chairman Nifon we report non ewe COW a report-uni pual anongonong won met an Floor Leader riafou me weires, pual usun ei introducer ren Mr. Stephen, ina popun upwe tingor sipwe enenia an Etten ei tingor, kinisou chapur.

President Noket: Chairman Mino,

Chairman Mori: Kinisou President, ngang uwa chok mochen upwe apasa ai kinisou ngeni ai ei colleague on my left, delegate Sitan an a publicly pwarano an vote won ei proposal, an a apasa nge epwe ne fiti chiechiean uwe seni Mochunok ren Floor Leader Harper, nge pual pusin chiechiean ei non Christ ngang Mino seni fonuwach kewe non Faichuk, an epwe ne vote YES, nge amo ita epwe ma kan sopweno an kan support seni met a fen publicly revealed.

President Noket: Chairman Nifon,

Chairman Nifon: Kinisou chapur Mr. President, ngang upwe pual kinisou ngeni ei monun mwich ika, epwe fokkun elletin ketiw ei proposal me non mwicheanp ikkenai? Iwe puwl ren pusin ngang won inisin, ina wewen ika use chiwen manaw ngeni atun an ei Etten Municipality epwe wesewesen uta, iwe upwe ne chok ii watiw for the record ai kapong ngeni ewe propable first mayor Mr. Kiteo Sodam, non ei ran, kinisou chapur.

President Noket: Chairman Sitan,

Chairman Sitan: Kinisou Mr. President, fan iten ai we colleague Mori e declare-ini ai vote, iwe epwe ne ina ai vote, nge upwe chok clearni pwe ngang atin sopun, iwe am vote mei tongeani rikino pwe am mei kan rikin sopun. Kilisou.

President Noket: Chairman Rosokow,

Chairman Rosokow: Ai nukuk sia rongorong ngeni mei chok favorable ena proposal, ia amokutu pwe akoukutiw anini. Second

President Noket: A mokut a pual second pwe a koukutiw anini won na **Proposal 3-21**; chon tipew ngeni pwe a koukutiw anini, apasa U, chon rese tipew ngeni apasa apwe, a koukutiw anini, iei fansou sipwe ne uttut. Ewe requirement an epwe pass eu Committee Proposal epwe engon 10, epwe usun nge unanimous, nge oukich sipwe vote, won U e tongeni pass ei Committee Proposal, ika emon ese vote iwe ese pass. Iwe ach sipwe uttut, epwe koko iit, an epwe uttu, ekkewe re tipew ngeni, repwe apasa U, ekkewe mi upstain iwe epwe count as no. Iei fansoun Secretary epwe koko iit.

| | | | |
|-------------------|-------------------|----------|--------------|
| Secretary: | Del. Mori | U | |
| | Del. Nifon | U | |
| | Del. Rosokw | | U |
| | Del. Raymond | | U |
| | Del. Sirom | | |
| | Del. Sitan | fan iten | ewe expected |
| | Mayor | U | |
| | Del. Stephen | | U |
| | Del. Williander | U | |
| | Floor Ldr. Harper | | |
| | V/Pres. Aten | U | |
| | President Noket | U | |

2nd Called:

| | |
|------------------|---|
| Flr. Ldr. Harper | U |
|------------------|---|

Mr. President, ukukun pungun vote won CPNo.3-21; chon apasa Yes-10, chon apasa No, ese wor, Abstain ese wor, chon absent 4.

President Noket: CP No.3-21; a passed non aruan anea. Iei mwich epwe angang won CP No.3-22; Secretary kopwe amweni mwich ren porousan ena Proposal.

Secretary: Mr. President, **CP No.3-22;** "Amending Section 1, of Article XII, of the Chuuk State Constitution relating to the General Election on the State of Chuuk."

President Noket: Floor Leader Harper

Floor Leader Harper: Kilisou Mr.President, ua fori motion pwe mwichenap a pwal atiwa CPNo.3-22; lon aruan alea. Second.

President Noket: A mokut, apwan second pwe mwichenap a pass-ini

CPNo.3-22; non aruan anea. Iei fansoun discussion ika memef won na Proposal. Mwich epwe mwo asoso ekis.

Mwich a asoso. Mwich a pwan niwinsefan.

President Noket: Floor Leader Harper,

Floor Leader Harper: Mr. President pokiten mwich a fakkun weweiti Proposal No. 3-22; me usun ii ita sia fakkun tipeni meti ei proposal a apasa won ei mettoch, iei popun ngang uwa fori motion pwe a ukutiw poraus won ei proposal. Second.

President Noket: A mokut a puan second pwe a ukutiw anini ika poraus won ei proposal. Chon tipeew ngeni apasa U, chon rese tipeew ngeni apasa Apw. Ewe requirement an epwe pass eu Committee Proposal epwe engon 10, epwe usun nge unanimous, nge oukich sipwe vote, won U e tongeni pass ei Committee Proposal, ika emon ese vote iwe ese pass. Iwe ach sipwe uttu, epwe koko iit, an epwe uttu, ekkewe re tipew ngeni, repwe apasa U, ekkewe mi upstain iwe epwe count as no. Iei fansoun Secretary epwe koko iit.

| | | | |
|-------------------|-------------------|--------|---|
| Secretary: | Del. Mori | U | |
| | Del. Nifon | U | |
| | Del. Rosokw | | U |
| | Del. Raymond | | U |
| | Del. Sirom | absent | |
| | Del. Sitan | U | |
| | Del. Stephen | | U |
| | Del. Williander | U | |
| | Floor Ldr. Harper | U | |
| | V/Pres. Aten | U | |
| | President Noket | U | |

Mr. President, pungung utut won Committee Proposal No. 3-22, 10/ 4 absent.

President Noket: Kinisou Secretary, sia puan etiw won CP No. 3-23, Secretary kopwe emweni kich won ena Proposal.

Secretary: Mr. President, CP No. 3-23; amending Section 2 of Article XIII of the Chuuk State Constitution relating to inclusion of appropriate historical or traditional names for certain municipalities in the State of Chuuk within one month after ratification the amended Chuuk State Constitution.

President Noket: Kinisou Secretary, Floor Leader Harper.

Floor Leader Harper: Mr. President, ngang uwa fori motion pwe convention a puan etywa Committee Proposal No. 3-23; Ion Aruen Alea. Second

President Noket: A mokut a puan second pwe convention a etiwa Committee Proposal No. 3-23; non Aruen Anea. Chon tipeew ngeni apasa U, chon rese tipeew ngeni apasa Apw. a ketiw committee Proposal No. 3-23, iei fansoun poraus. Chairman Mori.

Chairman Mori: Ewer, ngang use kon nien pwan anamota ei metoch, pwe merei nge ew me ew municipalities ra fen awora en me itan. Ese puan ii wor auchean an State epwe puan angonong won met an Municipalities nemenem.

Chairman Sitan: Ewer, ngang ita uchok ura pwe sipwe mwo nikitano ekkei ese kon nien wor osukosukan an epwe tonong ika esap tonong. Sipwap angang won murin, nge sipwe akomw ne fori ekkei major ones.

Floor Leader Harper: Ma ii ese puan ii wor osukosukan ika sise tipeew ngeni iwe sia killini, nge ika kich mi tipeew ngeni sia vote for. Nge sipwe ne vote won pwe sia puan mang, ese wor namotan. Ua fori motion pwe a ukutiw anini won ei mettoch. second.

President Noket: A mokut a puan second pwe a ukutiw poraus won ei mettoch. Chon tipeew ngeni apasa U, chon rese tipeew ngeni apasa Apw. Sipwe ne utut won ei Proposal. Puan usun chok ika emon e No, iwe ese pass ei mettoch. Secretary.

| | | |
|-------------------|-------------------|----|
| Secretary: | Del. Mori | U |
| | Del. Nifon | U |
| | Del. Rosokw | U |
| | Del. Raymond | U |
| | Del. Sitan | U |
| | Del. Stephen | U |
| | Del. Wiliander | U |
| | Floor Ldr. Harper | No |
| | V/Pres. Aten | U |
| | President Noket | U |

Mr. President, pungung utut won Committee Proposal No. 3-23, 9/1, 4 absent.

President Noket: Kinisou Secretary, sia etiw won CP No. 3-25; sipwe tungor ngeni Secretary epwe mwo puan anisikich ren ena CP No. 3-25.

Secretary: Mr. President, Committee Proposal No. 3-25; Amending Section 2 of Article IX of the CHuuk State Constitution relating to restrictions on holding of public offices or employment in the Government of Chuuk State by persons convicted of certain crimes.

President Noket: Kinisou convention secretary, iei fansoun poraus, Floor Leader Harper.

Floor Leader Harper. Mr. President, ua fori motion pwe convention epwele puan atiwa Committee Proposal No. 3-25 lon Aruen Alea. Second.

President Noket: A mokut a puan second pwe convention epwene etiwa CP No. 3-25; lon aruen anea. Chon tipeew ngeni apasa U, chon rese tipeew ngeni apasa Apw. lei fansoun poraus won CP No. 3-25; Floor Leader Harper.

Floor Leader Harper: Mr. President, ngang ua fori motion pwe ei proposal epwene mwo puan witiwitino, ika sipwele mwo puan table-uni ei proposal.

President Noket: A mokut a puan second pwe ei CP No. 3-25; epwe mwo table, chon tipeew ngeni apasa U, chon rese tipeew ngeni apasa Apw. A carry ewe motion. Ei CP No. 3-25; a mwo table. Sia angei CP No. 3-26; Secretary kopwe aleani ena proposal.

Secretary: Mr. President, Committee Proposal No. 3-26; to amend Article XI of the Chuuk State Constitution, b inserting a new Section 6 relating to the creation of a Polcie Commission, and by renumbering the subsequent sections thereof.

President Noket: Kinisou chapur Secretary. Floor Leader Harper.

Floor Leader Harper: Mr. President, uwa fori motion pwe convention a etiwa CP No. 3-26; lon Aruen Alea. Second.

President Noket: A mokut a puan second pwe convention a etiwa CP No. 3-26; lon Aruen Alea. Chon tipeew ngeni apasa U, chon rese tipeew ngeni apasa Apw. A carry ewe motion. lei fansoun poraus. Floor Leader Harper.

Floor Leader Harper: Mr. President, ngang uwa puan mochen fori eu motion pwe ei CP No. 3-26; epwe usun chok ewe akkom. Ita upwe tungor pwe epwe le mwo pual table ei proposal. Second.

President Noket: A mokut a puan second pwe ei Proposal No. 3-26; epwe mwo table lon ei fansoun, chon tipeew ngeni apasa U, chon rese tipeew ngeni apasa Apw. A carry ei motion. CP No. 3-26 a table, lon Aruen anea. Sipwe ne etiw won CP No. 3-27; CD2, Secretary, emweni kich ngeni ena Proposal.

Secretary: Mr. President, Committee Proposal No. 3-27, CD2 amending Section 1, 2, 39b), 4, 5, 6(b) and (c), 11(b) and (c), 14(a) and (b), 15, 16(a) and (c), 17, 18, and 19(b) and (c) of Article V, of the Chuuk State Constitution.

President Noket: Kinisou Secretary, Floor Leader Harper.

Floor Leader Harper: Mr. President, ngang uwa fori motion pwe convention a etiwa ei Committee Proposal No. 3-27; CD2, lon Aaruen Alea. Second.

President Noket: A mokut a puan second pwe convention a etiwa CP No. 27; CD2 won Aruen Alea, chon tipeew ngeni apasa U, chon rese tipeew ngeni apasa Apw. lei fansoun poraus. Floor Leader Harper.

Floor Leader Harper: Ewer, Kilisou Mr. President, ipwe sotuni ne apoku ekkewe amendment are ngang mi amochu ika weweochuiti, won line 18, page 1, nefinen na fos "**purposes**" epwe tonong ew "**for**" epwe ura, administrative epwe, iwe epwe katano ena mesen s epwe "for administrative purpose". Iwe a pual katano ena of a tolong ewe fos and epwe ne era for administrative purpose and representation ika legislature, the State of Chuuk is divided into five, iwe won line 20, ena word senatorial epwe katalo epwe tolong geographical regions, iwe a pual pachelong mi wor ena coma ikena a pual pachelong, and thirteen Election District as follows, mi pung met ei u era, awes, epwe ura pwe divided into five geographical and thirteen election district coma, as follows. Iwe won line 22, epwele era, ena Northern Namoneas ina mi chok nowm, mi nomw, fetiw fetiw won line 2 page line, 15,16 ena #1 Northern Namoneas, epwele tou, iwe epwele tonong election district epwe katano #1, Northern Namoneas representative, iwe a tonong election district, #1, consisting of Weno, Fono, and Piis-Panew five members, line 19, Southern Namoneas, epwe katau fengen me ena #2, iwe ena representative epwe pual tou, nge epwele tolong, election district #2, a pual consisting of Tonoas feitiw won Etten. Iwe ekkena neni meinisin, ika line mi wor representative epwe katau, epwe tonong election, pwe epwe era election district fengen me nampar kena meinisin a tetenitiw tori, feitiw won line 30, ena nampa, omusalo line 25, ena #3 Faichuk epwe pual katano iwe epwe tonong epwe pual katano Faichuk fengen me na representative, epwe chok pual era election district #5 consisting of Udot, Eot, Ramalum and Fanapanges, feitiw, feitiw, won line 30, ena #4 Mortlocks, ena word representative epwe katau, a pual tolong, election district #8, a pual consisting of.....

President Noket: Met om na osupang?

Chairman Nifon: Omusalo ai interrupt-uni ewe katonong seni Floor, nge non ena men, Tol mi omitted, iwe ina pwata nan district #6, enan era consisting of Polle, Patta, Onei ita epwe siwin ngeni Tol, pwe Tol ese nomw non na, echok Nomisofo iwe mwet won Tolesom mweteri PPO. Ika sichok Mr. President, ika si chok fitatiw en, iwe Tol epwe #6, iwe a #7 PPO, #5 election Nomisofo. Omusalo Mr. President, ina wewen uchok, uwa break-inong pwe sa fen nom won ewe nge site fen pual niwinsefaniti.

President Noket: Ewer, Floor kopwe pual pachenong enan. Mwich epwe mw asoso.

Mwich a asoso, mwich a pual niwinsefan.

President Noket: Mwich a pual popusefanita, Floor Leader Harper, en mi nomw won ewe amendment, sopweno

Floor Leader Harper: Ia walong ekewe amendment meinisin mi tota non asoso, pwe ikena part of our report, ekkewe aweve a tou seni Del. Nifon, fengen me

ena line 26, ena fonu Eot epwe capitalize ena mesen E, iwe won line 30, ena age epwe kesiwin ngeni 30, seni 35, iwe ai nuku ikkena kewe akasiwin.

President Noket: Met om na point? Ewe pochokunen amendment mi chok nomw tori iei, Vice President Aten,

Vice President Aten: Kiniosu Mr. President, page 4 line 1 ena representative district, epwe siwin ngeni election district, iwe page 1 line 15, representative district ngeni election district.

President Noket: Ikkewe ekkewe amendments a tonong, ese wor e second ini ekkewe motion? A mokut a pual second, ewe motion, nge upwe tingor ngeni floor leader an epwe fatafatoch ekkewe amendments, epwe makeitiw, iwe epwe ngeni ewe secretary me mwen ach sipwe sar non ei pwinin, ika nesosorun nesor an epwe tongeni pungupungoch ekkewe amendments an epwe tonong me mwen ach sipwe mwich, an epwe nukunukoch ach angang. Iei sipwe ne poporous won ewe amendments ika mi pual wor, ika ese wor, sipwe ne vote won ewe amendments mi chok sopwosopw seni floor leader, chon tipew ngeni ekkewe amendments apasa U, chon rese tipew ngeni apasa apw, a passs ekkewe amendment. Chairman Mino. Mwich epwe mwo asoso.

Mwich a asosono, a pual niwinsefan,

President Noket: Mwich a popusefanita, Chairman Mino, mi chok pochokun ewe suspension of rules in writing.

Chairman Mori: Kinisou Mr. President, mi wor ach uwa, move ren an epwe wor ekena floor amendment, ren ena Section C an epwe kapcheta non Section C Sub. C, ena sentence determination of election and qualification of members shall being compliance with sub Sections A, and B, and by statue. Are further move pun epwe pual kapachelong, inserted non ew Section, ren Section 8, Sub Section C,

President Noket: A mokut a pual second pwe ewe amendment, ena mei in writing ngeni ewe Section 7C a katiw me ren mwichenap. Porous won ewe amendment. Chairman Mino,

Chairman Mori: Mr. President, ai nuku ei amendment, a fen ii chapono, sunuta, koturuu, koturunong non ewe ewin discussion ren ewe ew a ninino, ewe ew proposal a ninino, ren ei wewe, use pual ii kuna chomongun kapasen ach sipwe pual porous won, uwa omukutu pun a kaukutiw poraus won.

President Noket: Osupang, Floor Leader Harper,

Floor Leader Harper: Ren chok an epwe pual fan me non record, non ei fansoun, umochen upwe tingor ewe a propose-uni ewe amendment pwe epwe pual afata wesen auchean me popun an wanong ei amendment, met ei e sotuni ne mochen

atawei non ei fansou ei Constitution mi won ikkenai. Met na problem ii mi kuna nge e mochen epwe wanong, ei ifa, ei akkasiwin an epwe tongeni atawei nesor me ponoon.

President Noket: Ponuweni ena kapas eis Chairman Mino.

Chairman Mori: Ewer Mr. President, ai nuku, mei fen ii wor non ekkewe poraus me mwan, ren conflicting interpretation ren ei sole charge authority e nomw ren ewe legislature an epwe tongeni sit-ini emon member mei wor ekkewe ir interpret-ni pun ewe legislature mei tongeni sit-ini anybody regardless ren ekkewe requirement re wanong ei A and B ewe age requirement, iwe pual ewe conflicted if any pardon an epwe tongeni momot non ewe legislature, iwe mi fen wor mei porousan pun ei legislature mi tongeni an amota emon nge ach uchok mochen wanong ii an epwe afatafataochu pun ekkewe A and B Sub-Sections, epwe ina wesewesen anongonongun an epwe tongeni quality-ni ewe sole charge authority ren ewe legisltue.

President Noket: Floor Leader Harper,

Floor Leader Harper: Ika pwe epwe ina na osukosuk Chairman Mori mi kuna, ika epwe pass ei amendment me ren aramas, iwe met guarantee pwe legislature esapw chiwen fori met mi fori non ekkei fansoun an epwe sit-ini emon regardless of the provision of the Constitution.

President Noket: Chairman Mino,

Chairman Mori: Usap tongeni naman answer-uni enan question in full nge, ngang upwe chok tongeni ura nge mei wor wesewesen wor pochokunonon pwe a afata ika non kopung, ai nuku, ewe kapung mei wor an instruction pun epwe wau pungun kapung ika in question, ika pwe ewe legislature a sit-ini emon with the sole charge authority, nge with the quittance won ei line e tonong iwe epwe tongeni afatatiw pun it must be in compliance at first, A and B iwe emon epwap tongeni sited.

President Noket: Floor Leader Harper,

Floor Leader Harper: Amuchunon, ren met mi fis non ei fansoun ikkenai, ika pwe emon epwe take legislature to court, ren ekkewe sokkun wewe, Mr. Mori e pwarata, iwe wewen pwe, kapung epwe ifa usun, epwe osukosuk ika? epwe era pwe mi mwan ren legislature ika mi pung ren legislature. Are esap tongeni wor kapung fan iten ekkewe wewe, me ekkewe osukosuk ika pwe e tori angangen kapung ena osukosuk? Amusala ika ese fat, awewe, mei ei legislature a fori, a sit-ini emon, nge ita ururun esap sit-ini pun mei wor Section A me B, ika afata met ururun legislature epwe fori. Iwe nge ika non ei fansoun ese fori? Iwe nge ika epwe atoura ngeni kapung, iwe met epwe fis, esap wor pochokunan angangen kapung ika? mei tongeni fis kapung won.

President Noket: Chairman Mino en mi tongnei ponuwei ewe kapas eis.

Chairman Mori: Ngang usap kon nien weweiti non anononun an floor leader

we kapas eis, nge ai nenengeni ei statement an epwe kapacheta, it clear cut, pun ika mwo ewe legislatue a use an we sole authority, nge kapung epwe wau anongonong won pungun met ei instruction fan asengesi an affatatiw pun must be in compliance with Sub-Section A and B, ekkewe qualifications me determination mei nomw non ekkewe ruu 2 Sections. Ina chok question e nomw non in my mind, ewe different interpretation ren ewe sole authority, ewe sole charge an ewe legislature mi nonomw rer an epwe tongeni amota me esapw amota emon.

Mwich a asoso, mwich a pual niwin sefan.

President Noket: Sipwe porouseuno chok won ewe amendment. Ika ese chiwen wor memef won ewe amendment, sipwe ne uttut won. Chon tipeew ngeni ewe amendment a nomw non writing ngeni ewe Section 7C non Article 5, apasa ena epwe tonong determination of election and qualification of members must be compliance with Sub-Section A and B and by statue. Chon tipew ngeni

Floor Leader Harper: Point of order, Mr. President.

President Noket: Met?

Floor Leader Harper: Ai luku sisamwo vote won koukutiwen poraus won.

President Noket: Ewer, ese wor poraus, ese ukutiw poraus won nge uwa ika mi chiwen wor - uwe ais ika mi chiwen wor met mefien emon, ese chiwen wor, iwe ina popun mi wor ai pochokun ai upwe era pwe sipwene utut won. Ika mi mwan?

Floor Leader Harper: You're the chair, you have all the authority.

President Noket: Iwe sipwene utut won ewe amendment, chon tipeew ngeni pwe mwich a etiwa ewe amendment apasa U, chon rese tipeew ngeni apasa Apw. A ketiw ewe amendment. Chairman Mino.

Chairman Mori: Usun ii ekkei mettoch a fen the same discussion sia fen akani non ekkewe, ina ren upwene mwo compromise ika epwe wor weiresin netipen akamon ngang upwene mwo nikiti ai ei ew. Upwap puan oturanong won ewe eu conflicting proposal.

President Noket: Ika ese chiwen wor poraus, puan sotosopono poraus won ewe main proposal, mwen ach sipwe utut won ika mi chiwen wor an emon poraus, Floor Leader, kose fori eu motion an epwe ukuting angingi?

Floor Leader Harper: Pwe ese mwo wor ewe floor amendment mi offer won ei, nge ina a refuse an epwe chiwen.....

President Noket: Apw a withdraw seni ewe - unusen ei second amendment.

Floor Leader Harper: Ena 2 page esene withdraw ni?

President Noket: Omusano.

Floor Leader Harper: Esene withdraw-ni an we second amendment?

President Noket: Ewer, a withdraw, ina epwe sopoulosono poraus won unusen ei.

Floor Leader Harper: Mr. President.

President Noket: Floor Leader Harper.

Floor Leader Harper: Ika usap out of Order uwa fori motion pwe a koukutiw poraus won ena proposal as amended. Second.

President Noket: A mokut a puan second pwe mwich a passni CP No. 3-27; CD2 fiti fengen me ekkewe amendments. Chon tipeew ngeni ewe motion apasa U, chon rese tipeew ngeni apasa Apw. Iei sipwe ne utut won ei proposal as amended. Sipwe tungor ngeni ewe Secretary epwe koko it, puan usun chok metewe sie poraus won pwe ika pwe 10 si tipeew ngeni, a pass ei proposal. Sipwe tungor ngeni Secretary epwe koko it iei fansoun.

Secretary:

| | | |
|---------------------|-----------------------------------------------------------------------|------|
| Delegate Mori | | U |
| Delegate Nifon | | U |
| Delegate Raymond | U | |
| Delegate Rosokow | U | |
| Delegate Sitan | | |
| Delegate Stephen | U | |
| Delegate Williander | | Ewer |
| Flr. Ldr. Harper | Ewer | |
| V. President Aten | fan iten mi wor ewe atipeew pwe sipwe walong 2 conflicting proposal U | |
| President Noket | Ewer | |

2nd call:

| | |
|----------------|---|
| Delegate Sitan | U |
|----------------|---|

Secretary: Mr. President 10 yes, 4 absent.

President Noket: Ewe vote won Committee Proposal No. 3-27; CD2 a unanimous ukukun 10 chon utti a - iei a passed Committee Proposal No. 3-27; CD2 lon

Aruen Anea. Applause Mwicha epwe mwo ekis asoso.

Mwich a asoso, mwich a popusefanita.

President Noket: Floor Leader Harper.

Floor Leader Harper: Kinisou chapur Mr. President, uwa nuku nge sia fakkun ma puan mefi apwangapwang, ina popun ika esap puan kan wor tipengaw, uwa puan fori motion pwe mwich epwene pwal sareno murin ikenai. Niwin sefan kunok 2:00 nesor. Second.

President Noket: A mokut a puan second pwe mwich a asosono iei, niwinsefan nesor kunok 2:00 murin neanowas. Chon tipeew ngeni apasa U, chon rese tipeew ngeni apasa Apw. Mwich a asoso.

Katonong seni,

_____/S/_____
Hernak Paul
Secretary
Third CSCC